

雲水前集序


雲水前集者我三丰先生在元明間所作者也永樂時胡廣等收先生在元明間所作者也永樂中詔求方書仍從大典中繙出梓行頒示國師等等錫齡於康熙五十中繙出梓行頒示國師等等錫齡之即花谷藏書也後有起者將此板刊出必能傳某人讀其詩知先生起者將此板刊出必能傳某人讀

子謹識

雲水後集序

雲水後集者錫齡與先生相遇後所作者也先生神游天海興好朗吟或者也先生神游天海興好朗集而抄之哀然成卷異日與前集並刊以誌先生鴻印庶幾見我先生之神誌先生鴻印庶幾見我先生雲水三集序

雲水三集三丰先生再游劍南之作也雍正間先生來此提撕夢九觀察嘗往遷於高標凌雲觀察去而先生隱矣邇來圓陽老人卓庵居士及遜園蟠山諸楚客志在山林性耽泉石隱士生而先生又至矣青城大莪之間或遇老樵子木石逍遙或遇老漁夫溪山吟嘯緇衣黃冠種種變化久之而乃知其中有先生在此亦我曹之幸也先生法相不輕示人即示人人亦不識清詞妙語惟事筆談不言吉凶禍福不語黃印丹砂其所常談者忠孝仁慈謙和清淨而已間或放詩為歌響遏雲水飛吟既久墨記日多爰梓而存之使人知神仙之樂只如是已又何異焉



張三丰先生全集

漢嘉長乙山人李西月重編

張道淵子深氏敬書

姪 瑛春城

閩中朱道生晚成子敬刊

朱 璫素園全校字

男 璜璠溪

雲水集

大我遇夢九觀察口占贈之

上界神仙吏人間大隱來為民祈雨降何日御風回石向蓬山卧桃曾閩苑栽功成歸去好早早煉靈臺

赴西池仙會

十洲三島會羣英跨鶴騰鸞到碧城劍佩聲飛琳闕遠爐煙氣繞貝宮清黃金殿上繡金錄白玉堂前奏玉笙照室明珠千萬顆修身自幸得長生

天外來

天外來天外來衣冠全不染塵埃鶴背翻雲空宇宙龍涎噴雨出山隈

游我眉小雷門

行穿野外入雲根自有青松鎖洞門石壁倒流千丈水道人清坐釣磯温

又

白雲深處復開行鐵笛吹橫嶂有聲樵子尋余尋不得化為奇石古先生

訪夢九石堂溪上清暉精舍

綠陰門掩道人家烟篆隨風一縷斜洞裏酒香流竹葉溪邊春過失桃花只餘我輩顏長好縱遇塵埃慢可遮到此乾坤真別有山林試馭五雲車

快快吟

快快快。紅塵外。開開閉。白雲間。妙妙妙。松崖一聲嘯。來來來。蓬島瑤花開。

石室山用五言全仄書石上

盡日坐石室。古洞自寂寂。竹隱數萬筍。綠逕少過客。鳥語喚卓午。氣靜倚翠壁。踏到水澗外。鹿步響木葉。忽見伐木者。對面兩靜立。問我姓與字。一笑不可識。

過圓通靜室

今夕春風分外清。風來畫閣響簷鈴。落花滿地何人識。呼起紅燈照綠櫺。

題夢九丹房集古

樓觀滄海日。壁掛崑崙圖。大隱在朝市。塵中丈夫。

鬧中苦

鬧中苦。況極淒涼。塵海悲歌泣數行。世事如棋不易着。人情似膽最難嘗。問誰解得風波險。游子相逢面。目蒼我願浮生多息足。白雲深處樂無央。

靜中樂

靜中樂。事情誰傳。魚鳥親人喜欲顛。野步安閒真福地。山居快活即壺天。將雲補嶂浮青竹。引水通池養白蓮。都是一般清意味。誰知幽客自陶然。

留題天竺院賜葉居士

將去又留半刻談。春風回繞徑三三。不知門外開花落。細撥爐灰坐小庵。

山行

細雨空濛碧嶂深。好山無數影沉沉。蕭然野寺人踪少。草滿仙壇靜道心。

自述與汪子

做盡瘋狂妝盡默歸真。守道遠塵埃。風波險處抽身轉。水月光中鑑面來。山頂時聞元鶴嘯。石頭小坐白雲陪。者般景象誰能得。說與同門笑眼開。

採蓮歌

蓮葉蓮花正滿塘。納涼人坐水中央。忽聞艇子撐煙外。蕩得芙蓉滿澗香。

聽夢九子思敏讀書

最宜聽是讀書聲。隔院傳來字字明。楊柳當窗草滿地。春宵雨過一齋清。

籀雲歌賜夢九

君莫羨鴻行。遠鶴翥空。君莫誇豹披霧。虎嘯風聽我歌一曲。其氣更能能。渥淫余。吾生青龍是名。天馬之雄。西涉流沙數萬里。一蹴上與青雲通。雲程迢迢。雲氣濛濛。雲衢渺渺。雲影溶溶。忽然幾陣罡風吹入。四滂上。直踏十三萬仞來蒼宮。噫嘻乎。快不可追。高不可及。惟有仙之人兮。與爾長相後。

御風吟

生不願歌大風懷壯士。亦不願乘長風破萬里。嘗願身如古列子。仙乎仙乎其樂只今日。道成有如此飄飄然。泠泠然。浩浩然。憑虛風而不知其所止。

能仁院留題

漠漠連朝雨。濛濛萬樹雲。江聲隨岸轉。漁唱隔溪聞。天地詩中大樓臺。畫裏分綺窗。斜倚處。仙客遠塵氛。

晚晴

小雨收回遠嶂青。晚來秋氣滿中庭。明朝縱有晴光到。也帶清涼入翠屏。

靜室

地隔紅塵。綠蘿靜中時聽雨聲多。來朝旭霽開空碧。笑策雲駢上大羅。

題夢九院中

小乾坤裏大乾坤。中有吾家不二門。勸汝世間求道客。休從塵海走渾渾。

初秋夜行千風寺聽人彈琴

新雨滌殘暑。早秋生嫩涼。夜游黃葉寺。人唱白雲鄉。梵磬沈方丈。龕燈照法堂。愛他彈綠綺。清韻自琅琅。

紫芝洞題石

江雲濕江天。碧烟外鐘聲初歇。木蒼蒼。山寂寂。拄杖閒觀如鶴立。洞門瑤草封丹室。靜中誰識古仙客。

晚景

月黑山深虎嘯風。壯大行過劍光紅。神仙採藥歸來晚。聽得樵歌唱水中。

長清院

春雨春烟兩度游。都於小院暫勾留。乾坤事事皆如寄。花酒閒吟樂自由。

示夢九

得劍除煩惱。彈琴引靜機。道心從此悟。流水過漁磯。

山行戲裝地仙狀

披烟客過簑衣嶺。冒雨人歸斗笠山。莫道龍蛇捉不住。長歌已在白雲間。

山行夜過清暉閣

拍手時吟嘯。徐徐度翠微。千崖新雨洗。萬嶂濕雲飛。夜閣琴聲靜。秋階草色肥。冷然清興遠。倚樹立巖扉。

九峯山

渡江飛上翠微顛。九頂濛濛秀入烟。我自清音亭畔望。東來一鶴似坡仙。

閒眺

山借雲霞藏峻骨。水將舟舫送行人。乾坤一覽饒吟興。造物原來各有因。

初春

春風送我鶴車馳又到仙壇小集時。新李初含雪白蕊。嫩桃都放水紅枝。隔年乍別重相聚。今日齊逢笑詠詩。不用拘拘守繩尺。乾坤烟裏盡堪思。

岳陽樓晚步

蟲聲唧唧透牕幽。一片新涼已似秋。殘雨尚聞檐際落。暮將長笛倚高樓。歸去來。

歸去來兮歸去來。蓬宮雲散月華開。身騎黃鶴九千里。到此丹臺半夜殘。

石帆山高道士草庵

清夜焚香愛我廬。蒲團打坐樂何如。月光飛到秋牕外。笑捲疎簾看道書。又

雲擁寒山山擁廬。道心澄靜自如如。鶴閒虎卧松崖下。採藥歸來又讀書。

又維揚口占三絕

秋山隱隱水迢迢。放艇閒吟廿四橋。楊柳千行鴉萬點。夕陽紅處聽吹簫。又

瓜步潮聲挾雨聲。秋隨鴻雁到蕪城。祇今明月二分去。猶愛吳儂度鳳笙。又

人生到處足遨遊。莫把塵埃老黑頭。手握金丹抵萬貫。公然跨鶴出揚州。

游陳道士菴軒

路轉東籬一杖斜。晴光滿地照黃花。綠樽映以圖元亮。烏帽臨風寫孟嘉。三徑草生塵跡少。兩畦烟散野陰遮。道人負手行歌處。不見峯巒露髻丫。

詠紅葉示人

晚齋動人

草木無情却有情丹楓烏柏可憐生登樓笑指寒山醉倚檻初疑小雪晴真氣已枯空有色夕陽相對總無聲峯間獨愛梅花好守白凌霜體自貞

西峯亭

夜月歸來客掩關江亭流水響空山倚樓長嘯鶴聲起天外孤烟嶺上還

山中吟

山中古日月壺裏大春秋願他急早賦宜休若不休時總是愁愁愁愁白了人頭

臣瀘碇子中行

橋窄讓人先過去天空由我獨飛行新詩兩句傳心跡又見吹來海月清

遊戲

來來往往原無礙往往來來度有情醉跨蒼龍游玉宇閒呼白鶴到瑤京上天陪得高真坐下地能隨尚者行木葉做衣雲作笠神通自在屬先生

廬山雨後題石

飛瀑懸崖石一落一丈驟雨洗煙嵐一峯一屏潭海風吹我來山雲隨我上頭簪瑤草花口誦漁家唱拍掌而登樓幽閣琴聲亮信筆寫龍蛇字字作活像欲識我為誰筆架峯頭望

過三香閣贈居

嗶嗶虎嘯出山岡課課魚聲響佛堂最是梅花疎月外儒書讀到五更長

與夢九

我唱無根却有根琪花瑤草欲封門洞中藏得小天地睡倒盤陀石上溫

慧仁院

風捲殘黃落滿山老僧晏坐掩柴關蠟梅一樹香於雪白晝無人我更閒

游南峯

山如好友常謀面。水似行人屢掉頭。綠黛重重波曲曲。教儂一步一勾留。

題陳道人

捲簾相與看新晴。小閣茶煙氣味清。朗誦黃庭書一卷。梅花帳裏坐先生。

又

先生丰度自高寒。頭戴方巾兩足盤。欲向晴峯看雪霽。起身携杖掛蒲團。

梅嶼

北風吹雲古雪寒。嶺上梅花此際看。三百樹頭飛片片。一時回舞到林端。

馬蹄月

馬蹄月。馬蹄月。人事奔波勞碌碌。不識紅塵苦。豈識清虛樂。清虛樂。蒲團打坐。焚香一炷。彈琴一曲。

黃山題石

天外風吹鶴池中。水見龍。我今長嘯去。三十六雲峯。

石生泉

鑿石得清泉。泉流仍洗石。戴笠出山來。一笑空煙碧。

天亭山

亭亭天亭峯。跨鶴上崖去。空山靜無人。獨與雲楓遇。

自題畫像

風日清於酒水雲。淡若詩。乾坤壺裏坐。這箇老仙師。

四言

性田無翳。心地自明。雨餘山色。歷歷空青。

再過臺城

再訪臺城路重搖。兩槩游鴉啼疎柳岸。蟬噪六朝秋。曲水環京口。奇峯抱石頭。青鞋無皂帽。笑眼對輕鷗。

遊戲吟

遊戲紅塵下翠微。神仙事業只慈悲。平心付物原非天。信手敲詩不用推。龍氣遠昇雲片片。鶴聲高詠塚

題圓通綽綽山房

有餘退步留遐福。無事抽身乃達人。淡雨微雲風蕩漾。鶯花天氣正沉吟。

又

花到二分逾秀勁。月當十四已團圓。及時兩字人能會。便得逍遙快樂天。

雲水集

登華表山

華表山高爽氣凌。令威騎鶴此飛昇。乍看雨脚從空至。未必雲頭阻我登。獨立峯巒心曠遠。遙觀渤海興

遊遼陽諸山作

千里遼陽自往還。眼中山色畫中看。人跨地氣來長白。我欲雲峯煉大丹。風過列屏橫淡靄。雨餘羣嶂各

甲子秋遊燕京作

我不願登黃金臺。我只願飲黃花杯。醉裏昏昏忘天地。古今名利總塵埃。休馳驟且悲哀。早將壯歲塵緣

呈廉閣老

真人不露真。玄門不露玄。方士乃何物。自獻徒紛然。堯舜享高壽。無為靜也專。幾曾餌金石。而乃得遐年。
我愛廉夫子。忠悃心拳拳。上書攻異教。肝同鐵石堅。吾家有二老。至今作天仙子。房師辟穀志。和隱釣船。
素與天子近。不談汞與鉛。功成身勇退。英雄則有焉。帝王自有事。豈在白雲邊。凡為大臣者。孔戒必當先。
我愛廉夫子。正氣如孟賢。時人有廉孟子之目

題止善堂呈主人

半點塵埃不許侵。四圍垂柳正陰陰。主人自是能知止。無物能搖至善心。

廉平章以書薦余名於劉仲晦太保感而詠此

賢與賢相近。得逢推薦人。愧非梁棟質。名動帝王臣。有意求勾漏。無心據要津。辭尊往說法。願現宰官身。

送廉公之江陵

我有老親頭。已白矣。我得微官。公之德矣。公自愛才。我非貪祿。公往江陵。民皆受福。

博陵上仲晦相公

姓字勞公記。山人入宦場。一官容懶散。百姓盡淳良。囹圄生秋草。男兒思故鄉。別求賢令尹。吾不坐琴堂。
有感

毛義從茲隱。葛洪宜戀官。欲尋李太白。同說大還丹。家國伊人任。孤哀獨我單。潸然雙淚落。飛雁影高寒。

答劉相公書

太平良宰相。千古能幾人。青囊乃餘事。不愧帝王臣。得公一語重千金。公書賜我。我動心。所言地理無人。
識。惟我默默信其深。公何為者。重賤子。此恩此德。提吾耳。公東來時。獨憾遲。親骸已莫。不敢起。長白幹龍。
數千里。我從小幹藏之矣。不望名。不望利。祇望吾親安。斯地穴城大山宮。小山門有仙橋。獲我意。以此答。
公公諒之。莫云小子強陳詞。他日訪公邢州道。八盤山下請公思。

讀先子房傳有感

紛紛六國衆諸侯。掃入秦疆漢又收。若使沛公如項羽。子房未必肯依劉。

家居無事忽有邱道人見訪臨別詩以贈之

我見先生方外來。先生見我笑顏開。無官自合尋黃石。有客何妨共綠醅。出世心從天海落。入山興與岳雲回。幾時佩劍携長笛。相訪高真到碧臺。

送輓劉仲晦相公時至元十一年冬月初旬也

博學其餘事。今之古大臣。澹然忘嗜慾。高矣脫風塵。舉世誰知我。登朝屢薦人。八盤他日過。甬酒奠公神。

三十二歲北遊

幽冀重來感慨忘。烏紗改作道人裝。明朝佩劍携琴去。却上西山望大行。

西山大行別作也

上曲

疎柳蒼黃盡夕曛。悠悠瀉水淨塵氛。芒鞋獨上堯峯頂。西望常山只白雲。

恒嶽

畢昂精凝處。恒山氣象高。藤蘿牽絕壁。松柏吼飛濤。朔野何空濶。靈風乃怒號。結廬仙嶺上。望裏興飛豪。

山有望仙嶺

悠悠歌北嶽作時至元三十一年甲午歲也

悠悠歌悠悠歌。四十八歲空銷磨。人生壽命能幾何。株守恒山十六載。燕趙往來成滹波。到不如携琴劍。整笠簑東走蓬萊。唱道歌。

東遊

此身長放水雲間。齊魯遨遊興自閒。欲訪方壺圓嶠客。神仙萬古住三山。

贈崇邑令家希孟弟

我到清河上。棠花處處開。老兄騎虎出。吾弟跨鶴來。政事由求侶。乾坤宰相才。四知良不愧。相與坐斯臺。

遊岱宗步希孟弟原韻

輒蕩天門上石闕人生到此拓雄觀西岸宛峙神仙阜東海誰投任子策七十二家封禪古三千餘里範
圍寬與君共坐秦松下一陣天風撲面寒

日觀早起觀日

天鷄一唱海門開日湧波濤出海來萬里眼光紅不斷三山頭腦綠成堆遙聞笙鶴從空降只見雲龍帶
雨回別有飛仙揮塵塵令人企首望蓬萊

山中尋張忠高隱處有作

巖棲谷飲舊家風令我尋翁不遇翁仙阜一聲發長嘯白雲飛在太山中

丹巖山

丹巖頂上蓬萊閣可望蓬萊不可即天風海水蕩心胸蒼蒼浪浪自開闢我到東牟眼界空詩情豪放若
英雄朝曦遠出扶桑外樓臺貝闕金銀宮拍手長歌雲鶴起仙人冉冉來前矣把杯祭海祝海神為展光
明千萬里遙情欲觀海外天天浮清際海無邊欲駕隨車飛過去未能羽化心茫然

徂徠山

百丈奇巒百樹松古幹走老龍山中六逸今安在幾度言尋到此峯

河東

三年步履遍河東戴月披星兩袖風登山笑倚一根竹遇水閒彈三尺桐海嶽幾時逢道侶塵寰何處訪
仙翁不如覓箇安閒地了了忘忘養寸衷

雷澤晚行

水複山重路渺茫此中應是白雲鄉晚來獨自行雷澤明月清風望首陽

遊中條山

九天浮翠鬱宮堯。綠笠青簑映碧霄。款款心兒思上界。翩翩羽客到中條。脚頭不用黃河灌。肩臂常將白日挑。兩片飛鳧輕似鶴。王官谷裏過溪橋。

中州紀行

中州南北遍尋真。到處高歌弔古文。滾滾烟飛卿相宅。茫茫日落帝王墳。身如斷梗隨流水。臂負瑤琴帶夕曛。來日又從河內去。袖中携取太行雲。

王屋山

海內大洞天。王屋稱第一。終古飛白雲。至今護元室。巖壑響笙簧。峯火掛日月。我欲結茅居。煉取神仙質。

嵩嶽

重離大火開丹壁。表正中州真。峻極仙靈隱。隱立三臺太。少我我分兩室。我今訪道如青蓮。奇峯六六造其巔。石上彈琴思縹緲。雲中飛鶴舞翩翹。忽然口渴憶玄酒。手掬山泉聊漱口。晚來明月掛溪松。松濤幾陣如雷吼。靜中有動動偏閒。椰瓢棕拂坐巖間。不遇真師亦快活。留將鴻爪記嵩山。

西遊

胸中五嶽待全探。秦岱恒嵩已過三。今日更登西華去。白雲關處望終南。

關中旅寺有懷

拋到家山處處遊。寒雲關月幾經秋。丁公有志歸華表。子晉何時返故邱。今日渭南如旅雁。去年河北似浮鷗。溪泉放艇尋詩句。兩岸風篁幾萬頭。

華嶽

嶺嶺大華俯全秦。百二河山此地尊。雲起謫仙搔首處。雨過神女洗頭盆。開從翠嶂尋松實。醉看青天枕石根。我希夷高卧。跡應携後進入玄門。

扶風明月山中有清風洞過而口占

明月山頭玩明月清風洞口坐清風吟風嘯月吾將老對月聽風響未終

寶鷄晚行

條雨遊秦鳳飄然到寶鷄路隨流水遠山壓暮雲低對面三峯立關心一榻棲結茆聊息足吾亦老蟠溪

小廬題壁

陳倉山下道人家不種桑田不種麻埋姓埋名藏僻地自新自汲老生涯幾重石嶂撐如虎一箇茅廬小似蝸氣健身強年已暮乾坤何處問丹砂

書懷

心命惶惶亦可憐風燈雨電逼華年不登閭苑終為鬼何處雲峯始遇仙九死常存擔道力三生又恐落塵緣辦香預向終南祝應有真人坐石邊

終南呈火龍先生

白雲青靄望中無已到仙人碧玉壺拚却芒鞋尋地肺始瞻大道在天都乾坤二氣藏丹室日月兩丸曜赤爐寶與先生相見晚慈悲乞早度寒儒

出終南二首

生平好善訪仙翁十萬黃金撒手空深謝至人傳妙訣出山尋侶助元功一簑一笠下終南雲白山青萬象涵他日大丹鎔煉就重來稽首拜仙庵

丹成作歌

洞裏深藏太古春心虛氣靜養元神直尋世外千年藥口唱藍仙踏踏歌一箇葫蘆無價寶兩川風月安樂高山林屋市遨遊遍到處題詩認得麼

由夔府下江陵作

十二巫峯歷歷遊，夔門長嘯下荆州。朝吟落日我眉殫，暮對斜陽燕尾洲。山水蒼茫懷道侶，乾坤浩蕩少仙儔。不如自跨遼東鶴，乘興還鄉省故邱。

遼陽積翠村二首

手執長弓逐鳥飛，是誰知是老翁歸。白楊墓上留詩句，城郭人民半是非。紛紛景象亂如麻，身世初完早出家。莫待巢危復累卵，功名勢利眼前花。

燕趙閒遊晤邱長春遂同遊西山

天寒白日澹幽州，燕市重尋舊酒樓。新學瘋狂為醉漢，故交豪傑已荒邱。駒光不似壺中日，蟻命猶如水。上漚我遇至人談，大道西山晴雪共遨遊。

津門柳

津門柳，津門柳，歲歲年年絲絲縷縷長。與官家縮別離，能縮游仙去路否。一聲長嘯出天津，破衲飄然不回首。天外幾行雁，天邊數點舟。江河渟蓄處，廣大不奔流。

兩湖吟

化作漁翁盪小舟，湖南湖北任遨遊。酒乾直欲吞雲夢，吟罷高飛過鄂州。萬里遙看吳地月，一聲長嘯楚。天秋湘濱老叟相逢笑，手指嘉魚下釣鈎。嘉魚名

赤壁懷古

赤壁有數處在嘉魚者，乃周郎破曹處也。

石壁巉巖壓水隈，三分事業此間開。龍爭虎鬪今安在，月白風清我又來。滾滾長江淘日夜，茫茫戰壘激風雷。酣酣欲拉坡仙嘯，吹笛乘舟共往回。

洞庭晤呂純陽先生

這回相見不無緣，先生訪道尋真數十年。雅度翩翩吹鳳笛，雄風凜凜佩龍泉。身從海嶽來斯地，手拂湖雲看遠天。願學先生勤度世，洞庭分別到西川。